

**Broj:1-25-16-4-1921-24/18****Datum, 09.10.2018. godine**

Na osnovu člana 17. Zakona o Agenciji za pružanje usluga u zračnoj plovidbi Bosne i Hercegovine („Službeni glasnik BiH“, broj: 43/09), člana 69. stav (2) tačka d), člana 70. stav (1), stav (4) i stav (6) Zakona o javnim nabavkama („Službeni glasnik BiH“, broj: 39/14), člana 20. i člana 24. Statuta Agencije za pružanje usluga u zračnoj plovidbi Bosne i Hercegovine („Službeni glasnik BiH“, broj: 63/10), na preporuku Komisije za javnu nabavku broj: 1-25-16-4-1921-23/18 od 27.09.2018. godine u predmetu javne nabavke usluge na području odnosa s javnošću, kriznog komuniciranja i kriznog PR-a direktor Agencije za pružanje usluga u zračnoj plovidbi BiH, na osnovu zaključka sa 77. sjednice Uprave Agencije održane dana 05.10.2018.godine donosi

### **ODLUKU**

#### **o poništenju postupka javne nabavke usluge na području odnosa s javnošću, kriznog komuniciranja i kriznog PR-a**

#### **Član 1.**

Prihvata se preporuka Komisije za javnu nabavku broj: 1-25-16-4-1921-23/18 od 27.09.2018. godine u predmetu javne nabavke usluge na području odnosa s javnošću, kriznog komuniciranja i kriznog PR-a i poništava se postupak javne nabavke usluge na području odnosa s javnošću, kriznog komuniciranja i kriznog PR-a iz razloga što nijedna od primljenih ponuda nije prihvatljiva.

#### **Član 2.**

Ova odluka objavit će se na web-stranici [www.bhansa.gov.ba](http://www.bhansa.gov.ba) istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

#### **Član 3.**

Ova odluka stupa na snagu danom donošenja, i dostavlja se ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

### **O b r a z l o ž e n j e**

Odlukom direktora Agencije za pružanje usluga u zračnoj plovidbi Bosne i Hercegovine imenovana je Komisija za javnu nabavku usluge na području odnosa s javnošću, kriznog komuniciranja i kriznog PR-a.

Temeljem Odluke o pokretanju postupka javne nabavke usluge na području odnosa s javnošću, kriznog komuniciranja i kriznog PR-a broj: 1-11-16-4-1921-1/18 od 22.05.2018. godine Komisija je pripremila poziv za dostavu ponuda u skladu sa članom 7. Pravilnika o postupku dodjele Ugovora o uslugama iz Aneksa II. dio B Zakona o javnim nabavkama („Službeni glasnik BiH“, broj: 66/16). Procijenjena vrijednost javne nabavke je 60.000,00 KM bez PDV-a.

Poziv za dostavu ponuda, kao i izmjene istog su objavljene na web stranici Ugovornog organa u skladu sa članom 7. stav (3) Pravilnika o postupku dodjele Ugovora o uslugama iz Aneksa II. dio B Zakona o javnim nabavkama te su poslani ponuđačima na tri adrese:

1. LOGIN PUBLIC d.o.o. Sarajevo, Antuna Hangija bb, 71000 Sarajevo
2. LUNA d.o.o. Sarajevo, ul. Trg međunarodnog prijateljstva br. 25, 71000 Sarajevo
3. FOKUS d.o.o. Sarajevo, Mula Mustafe Bašeskije 6, 71000 Sarajevo

Krajnji rok za prijem ponuda bio je: 21.09.2018. godine do 10:00 sati.

Komisija je konstatala da su u predviđenom roku, u propisno zapakovanim kovertama zaprimljene tri ponude kako slijedi:

Naziv i sjedište ponuđača
Login public d.o.o. Sarajevo, Antuna Hangija bb 71 000 Sarajevo
MITA GROUP kralja Tvrtka 10, 71 000 Sarajevo
PRICHA d.o.o. Sarajevo Džemala Bijedića 185, 71 000 Sarajevo

U daljnjem radu, Komisija je pristupila analizi pristiglih ponuda, te konstatala sljedeće:

Ponuda ponuđača Login public d.o.o. je neprihvatljiva, odnosno ista nije u skladu sa zahtjevima tenderske dokumentacije i izmjenama iste, iz sljedećih razloga:

- a) Ponuda numerisana do dijela koji se odnosi na press clipping, te samim tim nije obezbjeđen kontinuitet numerisanja, a kako je to propisano Uputstvom za pripremu modela tenderske dokumentacije i ponuda („Sl.glasnik BiH“ broj:90/14, 20/15).
- b) Izjava iz člana 52.ZJN je neispravno i nepotpuno popunjena. U Rješenju URŽ-a broj:JN2-02-07-1-473-8/17 od 19.10.2017. godine naglašeno je „kako je postupak javne nabavke strogo formalan postupak koji sadrži niz formi koje moraju da se ispune kako bi isti zadovoljio tražene uslove tenderskom dokumentacijom. Svako pogrešno popunjavanje ili nepopunjavanje zadate izjave čini povredu postupka javne nabavke“.
- c) Ponuditelj nije dostavio spisak Ugovora koji sačinjava sam ponuditelj na svom poslovnom memorandumu, a kako je to traženo u tački 5.2. Poziva za dostavu ponuda.
- d) Iz dostavljenih dokaza o uspješnoj realizaciji Ugovora, nije vidljivo da ponuđač ima uspješno/uredno izvršen najmanje jedan Ugovor sklopljen isključivo za potrebe Odnosa sa javnošću - PR, ili više takvih ugovora čija je zbirna vrijednost ne manja od 60.000,00 KM, čiji predmet je isti kao predmet nabavke (**odnosi s javnošću, odnosno PR**), kako je traženo tačkom 5.2 a) Poziva za dostavu ponuda. Ponuđač je dostavio Izjavu od strane Bosnalijek kojom potvrđuju da su sa Login Public d.o.o imali zaključen Ugovor o pružanju usluga iz oblasti odnosa s javnošću čija je vrijednost veća od 50.000,00 KM, a sam ponuditelj je u svojoj potvrdi naznačio da je vrijednost Ugovora sa Bosnalijek 60.000,00 KM.

Ponuda ponuđača MITA GROUP je neprihvatljiva, odnosno ista nije u skladu sa zahtjevima tenderske dokumentacije i izmjenama iste, iz sljedećih razloga:

- a) Izjava iz člana 52.ZJN je neispravno i nepotpuno popunjena. U Rješenju URŽ-a broj:JN2-02-07-1-473-8/17 od 19.10.2017. godine naglašeno je „kako je postupak javne nabavke strogo formalan postupak koji sadrži niz formi koje moraju da se ispune kako bi isti zadovoljio tražene uslove tenderskom dokumentacijom. Svako pogrešno popunjavanje ili nepopunjavanje zadate izjave čini povredu postupka javne nabavke“.
- b) Ponuditelj nije dostavio spisak Ugovora koji sačinjava sam ponuditelj na svom poslovnom memorandumu, a kako je to traženo u tački 5.2. Poziva za dostavu ponuda.
- c) Iz dostavljenih dokaza o uspješnoj realizaciji Ugovora, nije vidljivo da ponuđač ima uspješno/uredno izvršen najmanje jedan Ugovor sklopljen isključivo za potrebe Odnosa sa javnošću - PR, ili više takvih ugovora čija je zbirna vrijednost ne manja od 60.000,00 KM, čiji predmet je isti kao predmet nabavke (**odnosi s javnošću, odnosno PR**), kako je traženo

tačkom 5.2 a) Poziva za dostavu ponuda. Ponuđač je dostavio potvrdu o uspješnoj realizaciji ugovora čiji je predmet nabavke savjetovanje, vođenje i davanje uputa iz oblasti odnosa s javnošću i kriznog komuniciranja i kriznog PR-a, sa vrijednosti Ugovora od 72.000,00 KM, iz koje nije vidljiva vrijednost Ugovora u dijelu koji se odnosi na predmet nabavke, odnosno PR.

- d) Ponuđač nije dokazao da je za jednu PR aktivnost imao više od 40 medijskih objava kako je traženo tačkom 5.2 c) Poziva za dostavu ponuda. Dostavljeni press klipping, ne može se dovesti u vezu sa ponuđačem.

Ponuda ponuđača PRICHA d.o.o. Sarajevo je neprihvatljiva, odnosno ista nije u skladu sa zahtjevima tenderske dokumentacije i izmjenama iste, iz sljedećih razloga:

- a) Ponuda nije uopće numerisana i nije obezbjeđen kontinuitet numerisanja, a kako je to propisano Uputstvom za pripremu modela tenderske dokumentacije i ponuda („Sl.glasnik BiH“ broj:90/14, 20/15).
- b) Izjava iz člana 52.ZJN je neispravno i nepotpuno popunjena. U Rješenju URŽ-a broj:JN2-02-07-1-473-8/17 od 19.10.2017. godine naglašeno je „kako je postupak javne nabavke strogo formalan postupak koji sadrži niz formi koje moraju da se ispune kako bi isti zadovoljio tražene uslove tenderskom dokumentacijom. Svako pogrešno popunjavanje ili nepopunjavanje zadate izjave čini povredu postupka javne nabavke“.
- c) Ponuditelj nije dostavio spisak Ugovora koji sačinjava sam ponuditelj na svom poslovnom memorandumu, a kako je to traženo u tački 5.2. Pozivom za dostavu ponuda.
- d) Nije dostavljen nacrt Ugovora.
- e) Ponuđač nije dokazao da je za jednu PR aktivnost imao više od 40 medijskih objava kako je traženo tačkom 5.2 c) Poziva za dostavu ponuda. Dostavljeni press klipping, ne može se dovesti u vezu sa ponuđačem.

Komisija za javnu nabavku Upravi Agencije je dostavila zapisnik o pregledu i ocjeni ponuda broj: 1-25-16-4-1921-21/18 od 27.09.2018. godine, izvještaj o radu Komisije broj: 1-25-16-4-1921-22/18 od 27.09.2018. godine i preporuku Komisije broj: 1-25-16-4-1921-23/18 od 27.09.2018. godine.

Slijedom iznesenog, Komisija je jednoglasno dala preporuku Upravi Agencije da sukladno članu 69. stav (2) tačka d) Zakona o javnim nabavkama („Sl.glasnik BiH“ broj: 39/14) poništi postupak javne nabavke usluga na području odnosa s javnošću, kriznog komuniciranja i kriznog PR-a iz razloga što nijedna od primljenih ponuda nije prihvatljiva.

Naime, u postupku je ocijenjeno da je Komisija u svemu pravilno postupila te da je preporuka o poništenju postupka nabavke data u skladu sa Zakonom o javnim nabavkama i podzakonskim aktima. U postupku predmetne nabavke nesumnjivo je utvrđeno da primljene ponude nisu prihvatljive čime su se stekli zakonski uslovi za poništenje postupka javne nabavke.

Iz navedenih razloga, primjenom člana 69. stav (2) tačka d) Zakona o javnim nabavkama, odlučeno je kao u članu 1. dispozitiva ove odluke.

## POUKA O PRAVNOM LIJEKU

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.



### Dostaviti:

- Ponudāčima
- Web stranica BHANSA-e
- a/a